

مجله علمی و ادبی

محل مطبعه و اداره :

جفال اوغلندده امنیت

صندوغی جوارنده

شنکول یقوشنده

۲۲ نومبر

اخطار :

مسلکمه موافق آثار

جدیده مع الممنونیه

قبول اولنور

درج ایدلمه یین آثار اعاده اولنماز

دیر ، فلسفه ، علوم ، حقوق ، ادبیات تاریخ ، سیاست ، و بالخاصه احوال و شئون اسلامیه بحث ایدر و هفته ده بر نشر اولنور .

آبونه بدلی

صاحب و مؤسسلری :

درسعادتده نسخہ سی ۵۰ پاره در

ابوالعلا زین العابدین - ح . اشرف ادیب

تاریخ تأسیسی

قیرله دن مقوا بورو ایله کوندریلیرسه سنوی

۲۰ غروش فضله آلنیر

۱۰ تموز ۳۲۴

سنه لکی	التی آیلنی	غروش
ممالک عثمانیه ایچون	۶۵	۳۵
روسیه	۶۵	۳۰۵
سائر ممالک اجنبیه	۱۷	۹

بشنجی جلد

۹ صفر پنجشنبه ۲۷ کانون ثانی ۳۲۶

عدد : ۱۲۷

دولت علیه — انکلتره

مفهی بر مأموریت سیاسی : — انکلتزده بر بالقان قومیتہسی بولندیغنی و بو قومیتہنک مقدما ماکدونیا ایشلرندہ ترکیا علیہندہ پک چوق تشبثاندہ بولنش اولدیغنی معلومدر .

ترکیاده مشروطیتک، غیر منتظر صورتده تأسیسی اوزرینہ ممالک غربیہده عثمانیلرہ طرفدار پک چوق کیمسہلر میداندہ کوروئمکہ باشلانجه انکلتزدهکی بالقان قومیتہسی دخی اتحاد و ترقی جمعیتی ایله عقد رابطہ دوستی ایلمک مسلکینی اتحاد ایلیویرمیشیدی .

مع مافیہ بر زماندنبری ممالک غربیہنک بمضارندہ ترکیا منافعه مضر نشرباتہ میدان ویرلیدیگندن اورالرده افکار عامہنک بویله تبدل سریعی اوزرینہ بالقان قومیتہسی دخی ینہ اسکی مسلک معلومنه رجوع علائقی کوسترمشدر .

(صراط مستقیم) رسالہ معتبرہ سنک کچمش نسخہلرینہ مراجعت اولنورسہ بالقان قومیتہ سنک بوندن بش آی مقدم لوندرده عقد ایلدیکی اجتماع عمومی سنویده اوقونان لایحه سنک مالی ایله ماضی وحالدهکی مسلک صحیحنی مشعر تفصیلات مهمہ کوریلور . بالقان قومیتہ سنک رئیس پارلامنتو اعضاسندن واصحاب ثروتدن موسیو باکستون بودفعہ مأموریت خفیہ سیاسیہ ایله صوفیہ واستانبولی زیارت ایچون لوندرہنی ترک ایلمشدر .

مومی الیهک مأموریت خفیہ سنک غزتهلرہ دها مبادیده عکس ایتمی انک فکر و مسلککته مخالف اولان بعض سیاسیونک تدابیر عاقله سندن اولسه کرکدر .

موسیو باکستون اوتہ دنبری بلغارستانک بیوک بر محبی اولدیغنی کوسترہ کلدیگندن حکومت عثمانیہ ایله بلغارستان حکومتی اراسنده اختلافی دائمی اولان حالاتک ازاله سی ایچون اجرای نفوذ مقصدیلہ بورالره کلدیکی ظن ایله بیلور ایسهده پک موثوق بر منبعدن ترشح ایدن معلوماته نظراً بو زیارتک سبی بستیون بشقهدر . موسیو باکستون بویله بر سیاسی مأموریتله استانبوله کیتمکی لوندرہ سفارت سنیهسی مأمورلرندن بر ذات ایله برلکده تصور و ترتیب ایلمشدر .

انکلیز قاینهسی اعضاسندن اولان عموجه زادهسی طرفندن وقوعه کان برتوصیه اوزرینہ انکلیز خارجیه نظری سیر (ادوارد غرهی) جنابلری موسیوباکستونک (میسیون پولتیق) یعنی مأموریت سیاسیہ سنی اجرا ایلمسہ خصوصی ونیم رسمی صورتده موافقت کوسترمشدر .

ظاهر حاله باقینجه بو استانبول زیارتی دولت عثمانیہ ایله انکلتزه آراسنده تزید مناسبات دوستانه مقصدینه حل اولنه بیلور . بوکی طرق معوجه ایله امور معظمه نک طریق مطلوبده جریان ایدہ بیلہجکی تفکر دقیق اصحابجه باطل بولندیگندن ومأموریت سیاسیہ ایشنک تصور و ترتیبده آمال شخصیه ترویجک امور ملیہ خدمت مقصدندن زیاده مندج اولدیغنی کوزه جاریدیگندن بو خصوص حقنہ مجلس مبعوثان عثمانی اعضاسندن سیاست خارجیه ایله مشغول اولان ذوات کرامک

نظر دقلری حسب الاخلاص جلب اولنور . شوراسیده علاوه ایدیلہ . بیلورکہ بصرہ کورفرزینہ ویمنه متعلق حادثاتک ذکرندہ انکلیزجراشد مهمه سنک اتحاد ایتدیکی طرز لسانک پکده حسن نیتہ مبتنی اولدیغنی کوریلوب طورور ایکن مسلک سابق سیاسی معلوم اولان بو کنج ذاتک تزید مناسبات دوستانه ضمنندہ استانبوله کیتمسی اولدجه غریب کورینور . [بالقان]

حقیقت: آناتولی سسلری

هفتهده ایکی دفعه چیقان « اسکیشر » رفیق محترمز بعدما ۲۵ کانون ثانیدن اعتباراً — « حقیقت: آناتولی سسلری » نامیلہ هرکون انتشار ایدہ جکدر . موفقیتنی تمی ایدرز . « حقیقت » مقصدینی شوسوزلرله خلاصه ایدیور .

« استانبولک متبسم ورقصان محیطندن دیوشیره جکی تازه و نرمین خیالری ، دیمیر قوللریله آناتولینک کابوسلی ، قوتلی کوشه لرینه سرپهرک شلندیرمکه چالشق و اوخرا بهلردن طوبار لایه بیلدیکی فریادلری ، ایکلتیلری کوتوروب یاتخته سیلکه رک شطارتلره برازده ماتم قائمقدر . بربرینک عینی صابیله لرینه رغماً غیری کیبی داورانان بو ایکی ضدی باریش سیدیرمق باقالم میسر اوله جقمی ؟ تولید ایتدکلی ناله لری کورونجه عجباً نشهلر قاجیه جقمی ! خدمت ایتدکلی نشهلر قار . شیسندہ ناله لر آرتیمه جقمی ؟

(حقیقت) یانیق باغیرلردن قوپوب کلن آجی ، آجی (آناتولی سسلری) ایله میداندہ بولوندقجه ، اینجه دیوغلوی بعض قولالقری انجیدیرسه معذور کورولمیلدر . زیرا :

« درد آغلایر ، عشق سویله تیر »

زکاتک رونما اعانه ربربره بیدرجه رار فتوی عالی . — دونانمای عثمانینک ترقی و تعالیسنه مدار اولمق اوزره زکاتک اعانه اعطاسی جائز اولوب اولیه جفی حقنہ دونمای عثمانی معاونت ملیه جمعیتی طرفندن وقوع بولان استفتا اوزرینہ زکاتده نیت و فقیره تملیک لازم و مزکی اولان کیمسہنک مالندن زکاتی افراز چیننده نیت ایلمسی کافی اولمغله دونانما جمعیتی طرفندن اعانه قاصه سی باشنده بر فقیر مسلم بولندیله رق مزکیلر جانبندن زکات اولمق نیتله تقریق ایدیلن مبالغ مادون النصاب اوله رق بالطوع اول فقیره تملیک واعطا و فقیر مذکور مالک نصاب اولماق ایچون یدنده جمع وابقا ایتمکسزین اختیاریلہ همان اعانه قاصه سنه تسلیم ایتمی مقارن جواز شرع عالی اوله جفتدن تزیاد و تعالیسی جدأ درجه لازمهده بولندیغنی امر غیر منکر اولان دونانمای عثمانیہ بو صورتلهده اعانهده بولنان مسلمین هم فرض ذکاتی ادا ایتش همده باشقهجه نائل اجر جزیل وشایسته مکافات اخرویہ اوله جقلری قنوا خانه عالدین جواباً بیان اولمشدر .